

A Ang evangelio prosperidad. 2 Corinto 8:2-4.

- ❖ Ang “evangelio prosperidad” nagaingon: “Sunda ang Dios ug Siya mopahimo kanimong adunahan sa mga yutan-ong butang.” Kana nga motibasyon lahi kaayo sa atong mabasa diha sa Corinto o sa kabus nga balo (Marcos 12:41-44).
- ❖ Ang Dios makapaulan kanato sa mga materyal nga panalangin, apan Siya mohimo niini dili tungod kon sa atong ginahatag Kaniya.
- ❖ Nahigugma ang Dios sa malipayon nga maghahatag, dili ang maghahatag nga nagadahum o usa ka butang ingon nga balus (2 Corinto 9:7).

B Ang tulo ka mga lakang sa kahakog (Santiago 1:15 NIV):

❖ **Gitan-aw ko (“tinguha”). 2 Corinto 4:18.**

- Ang asawa ni Potipar nagdapit sa kahakog sa dihang siya “kanunay nga nagtutok sa iyang mga mata kang Jose.” (Genesis 39:7). Ang atong unang depensa mao ang paglingiw gikan sa mga butang nga atong maibgan.
- Sa sambingay sa tigpugas, nagsaysay si Jesus nga ang mga binhi nga nangahulog taliwala sa mga tunok gipangtuok sa “mga kabalaka ning kinabuhia ug sa pagpanglimbong sa bahandi.” (Mateo 13:22 NIV).
- Ang kabus nabalaka tungod kay sila nakulangan. Ang adunahan nabalaka kay sila nanginahanglan og dugang pa.

❖ **Gusto ko (“nanamkon”).**

❖ **Genesis 3:6.**

- Ang materyalismo nagalalang og bag-ong mga panginahanglan ug nagasangkap og usa ka paagi sa pagtagbaw niini.
- Nahitabo kana didto sa Eden. Lain nga pananglitan mao si Ahab; nakita niya ang parasan sa iyang silingan ug nagustohan kini. Unya, naibog hangtud nakuha niya kini (1 Hari 21).
- Unsaon nato pag-ila sa panginahanglanon gikan sa mga kagustohan, mga gikinahanglan gikan sa mga gusto, o mga sukaranan gikan sa mga dayandayan lamang?

❖ **Gikuha ko (“hingkod na”). Mateo 26:14-15.**

- Sa dihang ang kahakog magpuyo sa atong kasingkasing, dili kita mohunong sa pagpangitag paagi sa pagkuha kon unsay atong gusto.
- Nahitabo kana kang Eva, Ahab, ug Judas. Mao usab kana ang gamot nga hinungdan sa mga gubat tali sa kanasuran ug mga tribo, ug maoy hinungdan sa pagkabungkag sa mga panimalay ug katawhan.
- Mahinungdanon ang pag-ila sa dihang gipasulod nato ang kahakog sa atong mga kasingkasing. Kon nabuhat nato kini, kita maarangan sa paghinulsol gikan sa atong mga sala karon, ug maglikay sa umalabot nga mga makahahadlok nga resulta sa kahakog nga gibuhat.

C Pagpugong sa kahakog. 2 Pedro 1:5-6.

- ❖ Ang pagtuon sa Biblia, pag-ampo ug Cristohanong pag-alagad makatukod og depensa batok sa natural nga mga pagpihig sama sa kahakog. Ang pagkakontento ug pagkamahinatagon usab maoy mga galamiton sa pagpakigbugno batok sa kahakog.
- ❖ Si Pedro nagpadasig kanato sa pagbaton og pagpugong sa kaugalingon. Kinahanglan kita magtugyan sa tanan natong mga hunahuna, kagustohan ug kusog ngadto sa pagbuot sa Dios.
- ❖ Ang pagbuntog batok sa sala maoy ang buhat sa Dios sulod kanato. Mao kana nganong kinahanglan kita mohimog mga desisyon nga nagtugot sa Dios sa pagkontrol sa atong mga kinabuhi, ug pulihan Niya ang kahakog sa katagbawan sulod kanato.